

如此等人非其智分

由無智識起諸罪業故於法無分也

滌淨至法毀廢善根

法法相傳如樹有栽生長不絕是為善根

如此惡行日相深漬善根豈得不廢

不為善人之所知識

所行既惡則惡惡相和惡下之類自多黨

善人謂才識高明德勝者也

備眾生身

皆由前緣無有慧業故令今生得此愚癡

夫言愚癡者謂造諸惡業也非謂無所解

矣生既無善免墮三塗受眾生身眾生萬

等各隨緣報而備得其身者

種於姪慈無所憎避

眾生所以繁多由其種類姪慈故也謂因

法行姪而受此報猶雞犬等在於人中無

所避就得類便為亦無憎愛皆由前業之

所行者也

常懷怖畏

因往貪取之報也餓鬼之中復有萬品雖

云是餓有時得足此言無足者便是未嘗  
飽也

若在地獄五痛無間

地獄受苦有時而息此言無間是時無休

息也五痛猶五苦也明三塗報應如此

如此受身備諸苦惡

三塗報盡出生人中則形體不具備諸殘

疾或瘡痒疥癩可惡之極者也

物所懷惡

非但於人乃至畜生亦有憎惡

無有救治

疾既可惡則人無治者此是穢慢淨法之

報應也

生死輪轉無聞無見

無聞謂不信法教無見謂不位善緣此總

明十三破法之罪生死所之也

皆由一念中生至無數念其對無窮

夫為惡者始起

太上老君戒經

老君音誦誠經

力三

老君曰頌道不至至道不煩按如修行諸男

女官見吾誦誠科律心自開悟可請會民間

友以吾誠律著按上作單章表奏受誠明慎

奉行如律令

老君曰道官籙生初受誠律之時向誦經八

拜正立經前若師若友執經作八胤樂音誦

受者伏誦經意卷後訖復八拜止若不解音

誦者但直誦而已其誠律以兩若相成之常

當恭謹若展轉授同友及弟子按法傳之明

慎奉行如律令

老君曰道官籙生未使寫經誠律脫誤增損

一字有不得抄撮寫誠三紙二紙不說卷首

使科律不具災當及身吾此科誠自有典事

之官隨經誠監臨明慎奉行如律令

老君曰吾漢安元年以道授陵立為係天師

之位佐國扶命陵以地上苦難不堪千年之

主者求乞昇天吾乃勉陵身元元之心賜登

昇之藥百鍊之酒陵得昇雲躡虛上入天官

從陵昇度以來曠官宜職來久不立係天師

之位吾使諸州郡縣土地真官注氣治理鬼  
事領籍生民戶口不用生人祭酒理民濁亂  
之法而後人道官諸祭酒愚闇相傳自署治  
籍符契攻錯經法濁亂清真言有三百六十  
契今能使長生鬼神萬端惑亂百姓授人職  
契錄取人金銀財帛而治民戶恐動威逼教  
人跪願匹帛牛犢奴婢衣裳或有歲輸全緡  
一匹功薄輸絲一兩衆雜病說不可稱教妄  
傳陵身所授黃赤房中之術授人夫妻淫風  
大行損辱道教有祭酒之官稱父死子係使  
道蓋荒濁誠曰道尊德貴惟賢是授若子胤  
不肖豈有繼承先業有祭酒之官子之不肖  
用行顛倒逆節縱橫錯亂道法何有承係之  
理者乎鐵券首云父死子係何是近世生官  
王者之法制耳吾今未立地上係天師正位  
據聽道官愚闇相傳自署治籍諸道官祭酒  
可簡賢授明末復按前父死子係使道教不  
顯吾論一事吾豈死有子孫係吾老君天師  
之後天道無親惟賢是授明慎奉行如律令  
老君曰吾得嵩嶽鎮土之靈集仙官主表聞

稱言地上生民曠官來久世間修善之人求  
生科福尋緒詐偽經書修行無效思得真賢  
正法之教宜立地上係天師之位為範則今  
有上谷寇謙之隱學嵩嶽少室精鍊教法樹  
知人鬼之情文身宜理行合自然未堪係天  
師之位吾是以東遊臨觀子身汝知之不乎  
吾數未至不應見身於世謙之汝就係天師  
正位並教生民佐國扶命勤理道法斷發黃  
赤以諸官祭酒之官授人治籍符契取人金  
銀財帛衆雜功跪願盡皆斷禁一從吾樂章  
誦誡新法其偽詐經法科勿復承用謙之受  
誡二宿三日拘尋窈冥之情老君召謙之臨  
言臣以蒙覆愚而不進有不賜長生神藥不  
能役使鬼神何能化惡為善消災伏異師範  
之則願道哀念賜存生命須老君出於世之  
時得有神藥之應皆道氣入身乃敢受係天  
師之位願錄愚誠老君曰吾以汝受天官內  
治領中外官職統真職可比係天師同位吾  
今聽汝一讓之辭吾此樂音之教誠從天地  
一正變易以來不出於世今運數應出汝好

宜教誠科律法人治民祭酒按而行之奉願  
誠約之後吾當勅下九州四海之內土地真  
官之神騰籍戶言其有祭酒道民奉法有功  
然後於中方有當簡擇種民錄名文昌宮中  
若道官祭酒不問教化者導及養生之術有  
疑事不了沒當與決之分明順奉行如律令  
太上老君樂音誦誡全文曰我以今世人作  
惡者多又不慈子不孝臣不忠運數應然當  
疫毒臨之惡人死盡吾是以引而遠去乃之  
崑崙山上世間惡人共相魚肉死者甚多其  
中豈枉良善吾愍之辛苦時復東度覆護善  
人九州四海之內土地真神五穀官屬盡集  
對各說土居好德異同林言事實稱今世人  
惡但作死事修善者少世間詐偽攻錯經道  
惑亂愚民但言老君當治李弘應出天下縱  
橫返逆者衆稱名李弘歲歲有之其中精感  
鬼神白日人見惑亂萬民稱鬼神語愚民信  
之誑詐萬端稱官設號蟻聚人衆壞亂土地  
稱劉舉者甚多稱李弘者亦復不少吾大曠  
怒念此惡人以我作辭者乃爾多手世間愚

癡之人何乃如此吾治在崑崙山上臺觀  
 衆樓殿堂宮室連接相次珍寶金銀衆香種  
 數雜合錯飾蘭香桂樹窮奇異獸鳳凰衆鳥  
 棲於樹上神龍騏驎以為家畜仙人玉女盡  
 集其上若欲遊行乘雲駕龍呼吸萬里天地  
 人民鬼神令屬於我我豈用作地上一城之  
 主也我不願之若我應出形之時宜欲攻易  
 天地經典故法盡皆殄滅更出新正命應長  
 生之者賜給神樂昇仙度世隨我左右惡人  
 化善遇我之者盡皆延年若國王天子治民  
 有功輒使伏杜如故若治民失法明聖代之  
 安民乎定之後還當昇舉伏宅崑崙我出之  
 時乘駕九龍之車龍有九色連錢斑文車有  
 羽蓋十二出檀梓為車飾以金銀珠玉雜色  
 奇異不可目名徵召天下真官海嶽風伯雨  
 師役使萬鬼傾天網縮地脉迴轉天地如迴  
 我身把握日月能令天地晝闇仙人玉女駢  
 車侍從鐘鼓音樂遍滿虛空百獸真徒鳳凰  
 衆鳥翔于其上天地運動人衆鬼兵無有邊  
 際見我威光無不弭伏我哉愚人誰詐無端

人人欲作不臣聚集遁逃罪逆之人及以奴  
 僕隸皂之間詐稱李弘我身寧可入此下俗  
 臭肉奴狗題題之中作此惡逆者哉世人奸  
 欺誦讀偽書切壞經典輪吾多少共相殘害  
 豈不痛哉吾出誦誠宜今世人咸使知聞好  
 加思尋努力修善修善功成可得遇真延年  
 益算明慎奉行如律令  
 老君曰吾初立天師授署遺教治錄符契豈  
 有取人一錢之法乎翁如生官署賦有財錢  
 若干吾今並出新法按而奉順從今以後無  
 有分傳說願輸送做署治錄無有財帛民戶  
 雜願歲常保口廚具產生男女百災疾病光  
 恠衆說廚願蓋皆斷之惟有校藏三分收一  
 即其民市買計廚會就家解散易復可詣師  
 治民有病患生命有分唯存香火一心章表  
 可得感徹唯聽民戶歲輸紙三十張筆一管  
 墨一挺以供治表揀度之功若有通官濁心  
 不除不從正教聽民更從新科正法清教之  
 師明慎奉行如律令  
 老君曰祭酒之官遺功之後子孫清徹聰明

閱練鬼事可就明師受署治錄符誠承繼父  
 後若子孫用行顛倒與俗不別不順科約者  
 諸官平處奏表天曹聽民更受明慎奉行如  
 律令  
 老君曰道民或有家宅說願廚具不由師治  
 者師即時使還令民市備為會解散  
 老君音誦誠曰道民不練科法不能精勤香  
 火消災散禍及病痛行末憂慮縣官先恠衆  
 諸欲有保說者盡不聽聽先啓何以故也此  
 戶安通以求福是誤事也自今以後道民若  
 有求願先修廚會之具請若集啓設求願其  
 一事求上之收福無他明慎奉行如律令  
 老君曰道官授署職治符錄隨家豐儉意欲  
 設會任意人數三人以上復能重設諸餉和  
 會可通若不能者無苦也明慎奉行如律令  
 老君曰廚會之上齋七日中齋三日下齋先  
 宿一日齋法素飯菜一日食米三升斷房室  
 五辛生菜諸肉盡斷勤修善行不出由行不  
 經表穢新產欲就會時向香火八拜使大德  
 精進之人在坐首作好飯槃在坐上頭人別

作祭其參同不奉道者請會無苦而世間愚人真以所奉不同便作異意不齋慢道科法不爲主人求思恭肅之故坐會之中瞋恚無常從今以後諸官以意料處思尋妙旨苟能同心福願之人參爾無苦會既還家爲主人燒香逕宿三過香火殘言爲甲乙之家所請廚會解求其事恩福願得道氣覆護明慎奉行如律令

老君曰廚會之法應下三祭初小食中酒後飯今世人多不能三下祭但酒爲前五升爲限明慎奉行如律令

老君曰男女官受治錄天官叩章順誠之人萬邪不惑當喻如生官臣使夫有職之人道民宜能欺犯者乎道官祭酒愚闇相傳自署治錄爲請佩千部將軍吏兵相惑亂請之偽吏兵衛護盡皆無有正可常佩受署某官而已通神得道之人遇值仙官諸受職錄者不得五人三人吏兵給吏然地上惡人自署相傲何可能有此百千萬重將軍吏兵管護者哉從今以去故時爲事未復承用明慎奉行

如律令

老君曰請客就會人習嚴整衣服如生官天子殿會恭肅共同明慎奉行如律令

老君曰道民奉戶師如生民事官等吉則稱道民明慎奉行如律令

老君曰其受治錄誠之人弟子朝拜之喻如禮生官位吏禮法等同明慎奉行如律令

老君曰道官祭酒授人職治符籙但與其道受佩之後不能精進違科約用行顛倒奸怨非法遊行民間誹謗科律詐惑萬端世間

不奉道之家民有疾病危困輒便改動我道者當與治差愚人無智輒便動移操米束薪投戶治病謂病當差返受死亡死亡之後先以功變所還本屬輒即爲民然病者得差便言得道恩福言道有神唱告於世人聞之

有喪禍變恠縣官復有改屬歸化之者戶口漸多而戶生祭酒顛倒無常用行逐即媿盜殺生體性短少逼迫恐動街神責道其於無則詐見老君兼復感悟如是神教語致使民心懷歎恨積有復道官我俱奉戶主何以不

如他師奉事禮拜使人有暫正欲更就明賢言科法難犯如此之徒毒可檢校其兼福既運命有長短自有一定非是愚人道官所能延遠詐惑之人濁亂道法若有此輩此諸官參詳所集化戶作廚會取民辭狀道官連名表章聽民政屬民不得輒自移叛明慎奉行如律令

老君曰吾觀視世間凡愚祭酒化戶領民上章奏上練文書多者十紙五紙少者三紙二紙多之以少都無頭緒萬億章奏達者無一何以爾者土地真官典事主者懼罪相連覆

停稽違吾今並出音誦歌誠宣勅諸官章書之法如似生官文書可得達理凡愚道官不練章表奏不就於明能學習練法世間道官

違違亡人度星作爲二十三十紙千萬美說於事不如修謹善行齋練告身香火自縵百日功建爲先亡父母遷度魂靈月月單章言達齋功勝於千通度星遊說之事齋功不達無有感激之理先齋立功却上度星章無有雜色米絲紙筆正爲先亡集賢會燒香拔免

亡人最上可不度星煩道不至至道不煩從  
今以後思尋誦誠明慎奉行如律令

老君曰道官錄生男女民燒香求願法入靖  
東向懸三上香訖八拜便脫巾帽九叩頭三  
搏頰滿三訖啓言男官甲乙今日時燒香願

言上啓便以手捻香著爐中口並言願甲乙  
以年七以來過罪得除長生延年復上香願  
言某乙三宗五祖七世父母前亡後死免離

苦難得在安樂之處後上香言願門內大小  
口教端等無他利害來錢出入滑易復上香  
願仕官高遠復上香願縣官口舌疾病除愈

一願一上香若為他人願通亦無苦十上二  
十上三十上隨願齋日六時燒香寅午戌亥  
子丑是六時非齋日朝暮辰巳之日天清明

夜半北向悔過向天地叩頭百下三十六搏  
頰三過三百下以為常則先緣福深者通神  
在近先緣福淺者八年得仙明慎奉行如律

令  
老君曰三會日道民就師治初上章籍時於  
靖前南正北向行立定位各八拜九叩頭九

搏頰再拜伏地請章籍訖然後朝賀師明慎  
奉行如律令

老君曰道官祭酒修行之法復歷民間東西  
南北行來出入直身直而一向直去不得左  
右顧盼到民家不得妄有嗔怒有呵謔食飲

好惡林席舍廬衆雜論說是非不可得先到  
貴家富家苦願歷民儀先到寒貧家教誨求  
福使科約具備明慎奉行如律令

老君曰男女錄生及道民家有奴婢不得喚  
奴婢當呼字若有過事不得縱橫撲打但以  
理呼在前語甲乙汝有此事應得杖罰今受

之若責數奴婢自當糾罪無有怨恨之心道  
官道民出言吐氣不得言說死事此道民之  
大忌明慎奉行如律令

老君曰世間有承先父祖事道自作一法家  
宅香火復有承先祖作祭酒之官者民戶無  
知言父死子係更不正屬戶師民氓同姓祠

邪令衆雜邪令非一做言奉道見他官政治  
祭酒使復禮拜言我是道民意欲就正復懼  
衰神與之災考如此之人為請作道會滿三

約正誠若不從令勿復重請如此之徒奸情  
不已非是天民不如請諸不奉道之民何以

爾者等是天民統一道治然則別屬有參會  
更好豈比之奉道無師而有衷心乎道官祭  
酒宜以參會更言據是民可請為客此乃違

失事多宜如詳酌若請為客以刑律論明慎  
奉行如律令

老君曰道民求福願廚先刺客齋上中下齋  
隨意明當設會今日請客來在主人家中宿  
諸求願還官衆共保乃行出無他適難鳴至

日出盡皆上廚之列來致仙官唯解先亡廚  
平旦至日中為限若人士從願到官一切郡  
縣及以公侯卿相伯子男封土隨意欲設廚

可作耳求宰民得腹心土居安寧風雨時節  
隨意而設無有先科今不限人頭數不設亦  
復無苦但精勤香火明慎奉行如律令

老君曰道氣百千萬重自從開闢黃燧之治  
門有仙聖從今以來人偽道荒經書并錯後  
人詐偽仙經圖書人人造法天下經方百千  
萬億草藥萬種萬藥百數後人樂道長生循

放無效者何然愚人意短不達至妙長生至道仙聖相傳口訣授要載於文籍自非齋功念定通神何能格致乘風駕龍仙官臨顧接而昇騰服食草藥石藥服而得力之者此則仙人奏表上聞遣仙人玉童玉女來下臨天官神藥參入分數一草一人得力一石一人得力服氣方法亦俱等同今世人豈能達此理乎不降仙人何能登太清之階乎而紫藥服之正可得除病壽終穰却毒氣瘟疫所不能中傷畢一世之年可兼穀養性建功齋靖解過除罪諸欲修學長生之人好共尋諸誦誠建功香火齋練功成感徹之後長生可刺抱朴子者未明蓋世術合前賢諸家經方造經勸仙內外卷首言仙之可得可開悟人心承前多有遺經亦復不妄造出意不犯改經詐說之罪造經勸仙功過自保補後身當得仙人之階諸有修道之人勿復承按前人偽書經律今世人習讀美經典可益得身軀但富貴為子孫資蔭耳無有長生登仙之階欲求生道為可先讀五千文最是要者明慎

奉行如律令

老君曰靖舍外隨地寬窄別作一重籬障壁東向門靖主人入靖處人及弟子盡在靖外香火時法靖主不得靖舍中飲食及著鞋鞋入靖坐起言語最是求福大禁忌凡人入靖有取物盡皆束帶明慎奉行如律令

老君曰道官道民有死亡七日後解穢家人為亡人散生時財物作會隨人多少可參請俗民無苦為亡人過度設會功滿三復欲設會隨意能備可作若不能備無苦勤香火明慎奉行如律令

老君曰為亡人設會燒香時道官一人靖壇中正東向籙生及主人亦東向各八拜九叩頭九拜頰三滿三過止各皆再拜懇若人多者亦可坐禮拜叩頭主稱官號姓字上啓無極大道萬萬至真無極大道以手捻香三上著籙中口並言為亡者甲乙解罪過燒香願言餘人以次到壇前懇上香如法盡各各訖靖主上章餘人當席拜主人東向叩頭上章訖設會解坐訖靖主入靖啓事為主人求願

收福言當時主人東向叩頭坐罷出時客向靖八拜而歸家馬主人一宿之中滿三過燒香明慎奉行如律令

老君曰道民家有疾病告歸到宅師先令民香火在靖中民在靖外西向散髮叩頭謝寫

懣違罪過令使皆盡未有藏匿求乞原赦若過一事不盡意不實心不信法章奏何解師亦自別啓事云民某甲求乞事及病者亦道首過若過盡者師自得好感應若過不盡師亦不得好感應報首過時為可並行符承街

民首辭上章一日三過上三日後病人不降損可作解先亡請罰章病家畫則向靖叩頭夜則北向天地叩頭首過勿使一時有闕病家惶怖欲有所說錢財廚願勿聽之若能備廚請客三人五人十人以上隨人多少按如科法設會會時客主人病者考禮拜燒香求乞救度病者設會訖客歸到家為病者燒香叩頭一宿之中滿三過以病者救度禮叩頭燒香同法明慎奉行如律令

老君曰道民不慎科法淫犯殺生宜校贖物

計錢使還民家自市廚具師得與表章解散  
當作會時主人衆客前向香火八拜叩頭三  
十六樽煩滿三訖再拜手捻香著爐中並告  
言某甲啓太上大道甲乙是肉人無知奉科  
許祠其官求其事并復有以塞詰之者今依  
科輸贖直為廚具請客證明以從今以後生  
死付道不敢以前為比乞願得在赦格之例  
蒙恩生活道氣哀念明慎奉行如律令

老君曰男女道官濁亂來久有作祭酒之官  
積勤累世貪濁若身化領求復經數餘載賊  
錢。通說貪穢入己此是前造詐言經律此等  
之人盡在地獄若有罪重之者轉生蟲畜償  
罪難畢吾故出音樂新正科律休其頭領欲  
使信道以通人情清身潔己與道同功太上  
清氣當來覆護與民更始改往修來一從新

科為正明慎奉行如律令  
老君曰道氣百千萬重前賢後聖修學長生  
盡遇仙官人人各得一重之氣而得昇度之  
後終不載於文籍房中之教通黃赤經契有  
百二十之法步門庭之教亦無交差一言自

從係天師道陵昇僊以來唯經有文在世解  
者為是何人得長生飛仙者復是何人身中  
至要導引之訣盡在師口而筆誥之教以官  
人心若開解信之者執經一心香火自縷精  
練功成感悟真神與仙人交遊至訣可得今  
後人詐欺謾道愛神潤飭經文改錯法度妄  
造無端作諸偽行遂成風俗勸教天下男女  
受佩契令愚闇相傳不能自度而相領弟子  
惑亂百姓犯罪者衆招延災考濁欲道教毀  
損法身吾誦誠斷改黃赤更修清異之法與  
道同功其男女官錄生佩契黃赤者從今誠  
之後佩者不吉若云不慎之人所居止土地  
真官注氣靖治典者使者當自校錄吾與之  
災考死入地獄若輪轉精魂盡畜猪羊而生  
償罪難畢吾觀世人夫妻修行黃赤無有一  
條按天官本要所行專作濁穢手犯靖虛治  
官禁忌而天官仙人玉女尚不犯治室之法  
吾今以黃赤貪濁道教來久無有真正愚闇  
相傳盡各不得其中正時有清真潔素之人  
無經律錯亂吾盡欲除此輩之人不令而

犯誅誚之暴是以先令誠約遠遺一教然房  
中求生之本經契故有百餘法不在斷禁之  
列若夫妻樂法但懇進問清正之師按而行  
之任意所好傳一法亦可足矣今世濁惡有  
形之人流轉精神罪緣難消是以誠約要須  
齋功與返為始雪罪除德乃得感悟真仙男  
女官努力修齋尋諸誦誠香火建功仙道不  
遠明慎奉行如律令  
老君曰從係天師昇仙以來曠官真職道荒  
人濁後人諸官愚闇相傳自署治錄符契氣  
候倒錯不可承准吾本校二十四治上應二  
十八宿下應陰陽二十四氣投精進祭酒化  
領民戶道陵演出道法初在蜀上一州之教  
板署男女道官因山川土地郡縣按吾治官  
靖虛亭宅與吾共同領化民戶勸惡為善陽  
平山名上配角宿餘山等同而後人道官不  
遠幽冥情狀故用蜀土盟法板署治職勅令  
文曰今補其乙鶴鳴雲臺治權時錄署治氣  
職領化民戶質對治官文書須世太平遣還  
本治而九州土地之神章表文書皆由土地

治官真神而得上達有令聞道官章表時請召蜀土治宅君吏他方土地之神此則天永地隔人鬼胡越吾本下宿治號令之名領化民戶道陵立山川土地宅治之名耳豈有須太平遺還本治者乎從今以後諸州郡縣男女有佩職錄者盡各詣師改宅治氣按今新科但還宿官稱治為職號受二十四治中化契令者發號言補甲乙正中官真氣角宿治以充宿氏宿房宿二十八如法上章時直言臣而不得稱真人若靈錄外官不得稱治號其蜀土宅治之號勿復承用若係天師遺胤子孫在世精循治教領民化者不得信用諸官祭酒為法律上章時不得單稱係天師位號當稱職號名與諸官同等明慎奉行如律令

老君曰夫為道官正治祭酒進善舉賢領受弟子授人職治誠錄符契進一賢善除過十年求仙速遠進一佞一惡反罪十年求仙求福終不可得其投道門之民欲為弟子者當觀望情性與約誠相應者三年體能修慎法

教精進善行心無有退志無傾邪乃可授錄誠納為弟子明慎奉行如律令

老君曰中官正氣宿治祭酒得授人職錄誠其錄生之人不得妄授人誠錄若不領民戶受中治錄者當受中治散氣祭酒職若上靈

官不領民戶受外官散氣祭酒職其外官祭酒治民者坐會時百五十錄下坐若中官治

民正氣祭酒子息受治署中官中官宿治散氣祭酒在父民聞行章稱文治氣上章若他

官祭酒民聞自治氣上章若求生之人一身自度不化愚俗不領民戶亦可直受中官上

仙亦天七十五將軍錄生起亦在外治祭酒上明慎奉行如律令

老君曰道官道民其先亡祖曾父母幽誦不解復注子孫若齋功不達章書謬說多言十

通百通無益於事要先齋感徹之後乃可章表證達齋功章書之法不須多重煩濁天

曹不如不上齋滿百日一齋功達表章之日兼能請賢隨多少人數設會採採收福益仁若不能備者但就師表章遠達亡人若祭酒

者日日可言齋功滿百日就師表章明慎奉行如律令

老君音誦誠經